



Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH" broj 49/06 i 51/09), člana 25. i 74. Statuta Općine Centar Sarajevo-prečišćeni tekst ("Službene novine Kantona Sarajevo" broj 23/04) i člana 4. Pravilnika o kriterijima i raspodjeli novčanih sredstava za dodjelu jednokratne novčane pomoći broj 09/B-11-1910/24 od 01.04.2024, Općinski načelnik objavljuje

JAVNI POZIV za dodjelu jednokratne novčane pomoći licima u stanju socijalne potrebe

1. PREDMET JAVNOG POZIVA

Predmet ovog Javnog poziva je dodjela jednokratne novčane pomoći građanima općine Centar Sarajevo za:

- jednokratnu novčanu pomoć licima u stanju socijalne potrebe;
- jednokratnu novčanu pomoć za sufinansiranje troškova smještaja;
- plaćanje troškova dženaze/sahrane/ukopa;
- plaćanje užine i
- jednokratnu novčanu pomoć ranjivim kategorijama.

2. FINANSIJSKA SREDSTVA

Sredstva za dodjelu jednokratne pomoći predviđena su Budžetom Općine Centar Sarajevo za 2024. godinu i raspoređivat će se u skladu sa odredbama Pravilnika o kriterijima i raspodjeli novčanih sredstava za dodjelu jednokratne novčane pomoći broj 09/B-11-1910/24 od 01.04.2024.

3. UVJETI ZA OSTVARIVANJE PRAVA NA JEDNOKRATNU NOVČANU POMOĆ

- **Pravo na jednokratnu novčanu pomoć imaju lica pod sljedećim uvjetima:**
 - a) da podnositelj zahtjeva ima prebivalište na području općine Centar Sarajevo u trajanju od najmanje jedne godine do dana podnošenja zahtjeva;
 - b) da je podnositelj zahtjeva lice u stanju socijalne potrebe definisano članom 5. Pravilnika o kriterijima i raspodjeli novčanih sredstava za dodjelu jednokratne novčane pomoći;
 - c) da niko od članova porodičnog domaćinstva podnosioca zahtjeva nije vlasnik preduzeća ili samostalne radnje ili ima registriranu dopunsku djelatnost;
 - d) da niko od članova porodičnog domaćinstva podnosioca zahtjeva nije ostvario jednokratnu novčanu pomoć putem Odsjeka za boračko-invalidsku zaštitu;
 - e) da niko od članova porodičnog domaćinstva podnosioca zahtjeva nije ostvario drugi vid novčane pomoći putem Odsjeka za socijalnu zaštitu, izuzev pomoći koje se odnose na sufinansiranje lijekova i liječenje.
- **Pravo na sufinansiranje troškova smještaja ostvaruju domaćinstva pod sljedećim uvjetima:**
 - a) da nemaju riješeno stambeno pitanje;
 - b) da ukupna primanja domaćinstva ne prelaze visinu jedne i po prosječne plaće u FBiH prema posljednjim statističkim pokazateljima;
 - c) da imaju godinu dana prebivališta na području općine Centar Sarajevo i
 - d) da posjeduju ovjeren ugovor o podstanarskom odnosu ili izjavu o podstanarskom odnosu vlasnika/posjednika stambenog prostora.
- **Pravo na plaćanje troškova dženaze – sahrane – ukopa** za lica u stanju socijalne potrebe utvrđuje se na prijedlog društva koje se bavi uslugama ukopa i pod

uvjetom da se ovo pravo ne može financirati putem Službe socijalne zaštite općine Centar.

- **Pravo na plaćanje užine** ostvaruju učenici osnovnih škola na osnovu spiska obrazovne ustanove sa područja općine Centar, pod uvjetom da su učenici evidentirani kao korisnici dodatka na djecu ili dječijeg dodatka. Osnovne škole su u obavezi spiskove učenika dostaviti najkasnije do 30.09. tekuće godine. Pravo na plaćanje užine ostvaruju štíćenici KJU „Dom za djecu bez roditeljskog staranja“, koji pohađaju srednje škole na osnovu dostavljenog spiska od strane ustanove.
- **Pravo na jednokratnu novčanu pomoć za djecu koja se nalaze na alternativnoj brizi** za vrijeme redovnog školovanja ostvaruje se na osnovu podataka koje dostavi Službe socijalne zaštite općine.
- **Pravo na sufinansiranje troškova školovanja za žrtve porodičnog nasilja** u visini do 50% iznosa jednogodišnje školarine, pod uvjetima da se nalaze na školovanju na visokoškolskoj ustanovi i da su evidentirane kao žrtve porodičnog nasilja putem nadležne Službe socijalne zaštite općine Centar.

4. POTREBNA DOKUMENTACIJE

Podnosioci zahtjeva za dodjelu jednokratne novčane pomoći po ovom javnom pozivu dužni su dostaviti sljedeću dokumentaciju:

- Uvjerenje o kretanju za podnosioca zahtjeva;
- Potvrde o prijavi prebivališta za sve punoljetne članove domaćinstva podnosioca zahtjeva;
- Kućna lista;
- Potvrda poslodavca o visini primanja za sve punoljetne članove domaćinstva;
- Kopija čeka penzije ostvarene putem Zavoda za PIO;
- Dokaz da se radi o samohranom roditelju;
- Medicinska dokumentacija za oboljele članove porodičnog domaćinstva;
- Uvjerenje porezne uprave;
- Potvrda od škole da se dijete starije od 15 godina nalazi na redovnom školovanju;
- Potvrda o školovanju na visokoškolskoj ustanovi za žrtve porodičnog nasilja;
- Ugovor o zakupu ili ovjerena izjava vlasnika stambenog objekta o zakupu;
- Ukoliko smrt nije prijavljena u Općini Centar dostaviti dokaz da je dijete bez oba roditelja;
- Ukoliko smrt nije prijavljena u Općini Centar dostaviti smrtni list za umrlog člana domaćinstva;
- Potvrda banke o otvorenom tekućem računu.

Pravo na plaćanje užine i pravo na jednokratnu novčanu pomoć za djecu koja se nalaze na alternativnoj brizi utvrđuje se na osnovu zahtjeva/dokumentacije koju podnosi nadležna obrazovna ustanova/služba socijalne zaštite.

5. PODNOŠENJE PRIJAVA/ZAHTJEVA NA JAVNI POZIV , ROKOVI I NAČIN DODJELE NOVČANIH SREDSTAVA

Javni poziv će biti objavljen na oglasnoj ploči Općine Centar Sarajevo i na web stranici Općine Centar Sarajevo (www.centar.ba).

Javni poziv ostaje otvoren do kraja tekuće budžetske godine ili do utroška planiranih budžetskih sredstava.

Zahtjev sa potrebnom dokumentacijom se podnosi Službi za boračko-invalidsku i socijalnu zaštitu -Odsjek za socijalnu zaštitu, poštom preporučeno ili putem Protokola Općine Centar Sarajevo, Mis Irbina 1.

Zahtjevi će se rješavati po redoslijedu podnošenja.

Služba je dužna u roku od 30 do maksimalno 60 dana od dana podnošenja riješiti zahtjev i o tome obavijestiti podnosioca.

Dodatne informacije se mogu dobiti na broj telefona: 033/562-447.

NAPOMENA: Korisnici koji ostvare pravo po ovom Javnom pozivu , dužni su dodijeljena budžetska sredstva pravdati na način koji će biti utvrđen zaključkom Općinskog načelnika.

Općinski načelnik

Srđan Mandić

